



অবিলম্বে প্রকাশের উদ্দেশ্যে: 11/15/2022

গভর্নর ক্যাথি হোকল

আবাসন ও অবকাঠামোতে 33 মিলিয়ন ডলারের ফেডারেল বরাদ্দ সম্পর্কে গভর্নর হোকলের ঘোষণা

নিউ ইয়র্ক জুড়ে মিউনিসিপ্যালিটিগুলোকে 54টি বরাদ্দ প্রদান প্রাথমিকভাবে নিম্ন ও মাঝারি আয়ের বাসিন্দাদের জন্য আবাসন ও সরকারি পানি ফ্যাসিলিটি উন্নয়নের জন্য তহবিল সরবরাহ করবে

গভর্নর ক্যাথি হোকল আজ ঘোষণা করেছেন যে স্থানীয় অবকাঠামো উন্নয়ন এবং আবাসন সংক্রান্ত পুনর্বাসন প্রকল্পের জন্য কমিউনিটি ডেভেলপমেন্ট ব্লক গ্র্যান্ট তহবিলের 33 মিলিয়ন ডলারেরও বেশি অর্থ কয়েক ডজন মিউনিসিপ্যালিটিকে বরাদ্দ দেওয়া হয়েছে। বরাদ্দগুলো কমিউনিটিকে উপযুক্ত সাশ্রয়ী মূল্যের আবাসন এবং প্রাথমিকভাবে নিম্ন ও মাঝারি আয়ের বাসিন্দাদের জন্য নিরাপদ বসবাসের পরিবেশ প্রদান করতে সাহায্য করার জন্য তৈরি করা হয়েছে।

"সাশ্রয়ী মূল্যের আবাসন নির্মাণের ক্ষেত্রে উন্নতিকে সমর্থন করে, সরকারি পানির ফ্যাসিলিটি উন্নত করে এবং স্থানীয় অবকাঠামোকে শক্তিশালী করে, এই অর্থায়ন নিউ ইয়র্ক জুড়ে শক্তিশালী, আরো স্থিতিস্থাপক নেইবারহুডের ভিত্তি স্থাপন করবে," বলেছেন গভর্নর হোকল। "আমাদের সরকারি অবকাঠামোতে এই গুরুত্বপূর্ণ বিনিয়োগ নিউ ইয়র্কবাসীদের নিরাপদ, স্থিতিশীল আবাসন এবং সাশ্রয়ী মূল্যের সুযোগ-সুবিধা প্রদানে সাহায্য করবে এবং ব্যবসা সম্প্রসারণ ও সমৃদ্ধির সুযোগ প্রদান করবে এবং আমি আমাদের স্টেটের জন্য এই গুরুত্বপূর্ণ তহবিল সুরক্ষিত করায় নিউ ইয়র্ক কংগ্রেসনাল প্রতিনিধিদলকে ধন্যবাদ জানাই।"

কমিউনিটি ডেভেলপমেন্ট ব্লক গ্র্যান্ট (Community Development Block Grant) কর্মসূচি নিউ ইয়র্ক স্টেট হোমস এবং কমিউনিটি রিনিউয়াল (Homes and Community Renewal) কর্তৃক পরিচালিত ফেডারেলভাবে অর্থায়িত কর্মসূচি যা কাউন্টি, সিটি, শহর ও গ্রামকে এমন প্রকল্পের মাধ্যমে সহায়তা করে যা কমিউনিটিকে উন্নত করে এবং স্টেট জুড়ে বাসিন্দাদের উপকৃত করে।

কমিউনিটি ডেভেলপমেন্ট ব্লক গ্র্যান্ট আবাসন বরাদ্দ মালিক-অধিকৃত বা ভাড়াটিয়া-অধিকৃত বাড়িগুলোর আবাসন সংক্রান্ত পুনর্বাসনের জন্য ব্যবহার করা যেতে পারে, নিম্ন ও মাঝারি আয়ের প্রথমবারের মতো বাড়ি ক্রেতাদের জন্য ডাউন পেমেন্ট সহায়তা এবং নিম্ন ও মাঝারি আয়ের বাড়ির মালিকদের জন্য নিজস্ব পানি / বর্জ্য পানির সিস্টেমের ক্ষেত্রে সহায়তার জন্য

ব্যবহার করা যেতে পারে। 2022 সালের জন্য, হোম ও কমিউনিটি রিনিউয়াল 24টি আবাসন সংক্রান্ত পুনর্বাসন, আবাসন নির্মাণ এবং কুপ ও সেপটিক প্রকল্পের জন্য 10.4 মিলিয়ন ডলার প্রদান করেছে। প্রস্তাবিত উন্নয়ন থেকে মোট 301টি পরিবার উপকৃত হবে বলে অনুমান করা হচ্ছে।

কমিউনিটি ডেভেলপমেন্ট ব্লক গ্র্যান্ট সরকারি অবকাঠামো এবং কমিউনিটি পরিকল্পনা গ্র্যান্ট সরকারি পানি, সরকারি নর্দমা, বৃষ্টির পানির নর্দমা এবং বন্যা নিষ্কাশনের উন্নয়নের জন্য ব্যবহার করা যেতে পারে। 2022 সালের জন্য, হোমস অ্যান্ড কমিউনিটি রিনিউয়াল 21টি সরকারী পানি, সরকারি নর্দমা এবং সরকারি ফ্যাসিলিটি প্রকল্পের জন্য 23 মিলিয়ন ডলারেরও বেশি এবং নয়টি কমিউনিটি পরিকল্পনা প্রকল্পের জন্য আরো 445,000 ডলার বরাদ্দ করেছে।

উল্লেখযোগ্য বরাদ্দের মধ্যে রয়েছে:

- ওসওয়োগো কাউন্টির কনস্ট্যান্টিয়া শহরটি ওনেইডা লেকের কাছে অবস্থিত একটি জরাজীর্ণ ও অপরিষ্কার অনসাইট সেপটিক সিস্টেমের সম্মুখীন হয়েছে। নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট বরাদ্দ 1.25 মিলিয়ন ডলার কনস্ট্যান্টিয়া-বার্নহার্ডস বে সিউয়ার ডিস্ট্রিক্টের উন্নতিতে সহায়তা করবে, যার মধ্যে একটি অত্যাধুনিক বর্জ্য পানি শোধনাগার অন্তর্ভুক্ত থাকবে।
- লিভিংস্টোন কাউন্টি নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট তহবিল থেকে কাউন্টির মধ্যে সবচেয়ে গ্রামীণ জনপদের মধ্যে কয়েকটিতে ব্যক্তিগত, নির্দিষ্ট লটে অবস্থিত চারটি বিদ্যমান নির্মিত বাড়ি প্রতিস্থাপনের জন্য 550,000 ডলার ব্যবহার করবে। এই প্রকল্পটি বাসিন্দাদের উপযুক্ত, নিরাপদ ও পরিচ্ছন্ন জীবনযাত্রার পরিবেশ নিশ্চিত করবে।
- হার্কিমার ও ফ্রাঙ্কফোর্টের গ্রামগুলো হার্কিমার কাউন্টি জুড়ে কমিউনিটির মধ্যে সুপেয় পানির গুণমান উন্নত করার জন্য একটি আঞ্চলিক উদ্যোগের অংশ হিসেবে কমিউনিটি ডেভেলপমেন্ট ব্লক গ্র্যান্ট অর্থায়ন সহায়তা থেকে 1.25 মিলিয়ন ডলার ব্যবহার করবে। এই তহবিল প্রতিটি কমিউনিটির সুপেয় পানির অবকাঠামোগত সমস্যা সমাধানের জন্য ব্যবহার করা হবে, যার মধ্যে রয়েছে সীসা-নির্মিত সার্ভিস লাইন প্রতিস্থাপন এবং পানির ট্রান্সমিশন মেইন, নতুন হাইড্র্যান্ট এবং গেট ভালভ স্থাপন, বিদ্যমান কূপের পুনর্নির্মাণ এবং পাম্প স্টেশনের উন্নয়ন।
- ওটসেগো কাউন্টির ওয়ানোন্টা সিটি নিম্ন থেকে মাঝারি আয়ের পরিবারগুলির জন্য 30টি পানি পরিষেবার ল্যাটারাল প্রতিস্থাপন করার জন্য নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট তহবিল থেকে 200,000 ডলারেরও বেশি ব্যবহার করবে যার মধ্যে 22টি ছোট পরিবারের মালিক-অধিকৃত সম্পত্তি এবং ছড়িয়ে ছিটিয়ে থাকা সাইটের ভিত্তিতে 20টি ইউনিট সহ আটটি এক-থেকে-চার-ইউনিট আয়ের সম্পত্তি রয়েছে।

নিউ ইয়র্ক স্টেট হোমস এন্ড কমিউনিটি রিনিউয়াল-এর কমিশনার রুথ অ্যান ভিসনাউকাস বলেন, "কমিউনিটি ডেভেলপমেন্ট ব্লক গ্র্যান্ট বরাদ্দের আমাদের 33 মিলিয়ন ডলার দিয়ে, আমরা স্থানীয় পর্যায়ে আমাদের অংশীদারদের দ্বারা অগ্রাধিকারপ্রাপ্ত প্রকল্পে

অর্থাৎ মাধ্যমে নিউ ইয়র্ক জুড়ে কমিউনিটিকে রূপান্তর করতে সাহায্য করতে পারি। গুরুত্বপূর্ণভাবে, এই অত্যন্ত প্রয়োজনীয় উন্নয়ন সরাসরি নিম্ন ও মাঝারি আয়ের নিউ ইয়র্কবাসীকে উপকৃত করবে এবং স্টেট জুড়ে চলমান পুনরুজ্জীবিতকরণ ও স্থিতিশীলতা প্রচেষ্টাকে জোরদার করবে।"

সিনেটর চাক শুমার বলেন, "রাজধানী অঞ্চল থেকে ওয়েস্টার্ন নিউ ইয়র্ক পর্যন্ত আবাসন ও অবকাঠামোতে দীর্ঘমেয়াদী, অর্থনৈতিক-সমৃদ্ধিমূলক বিনিয়োগের জন্য এই 33 মিলিয়ন ডলারের ফেডারেল তহবিল সরবরাহ করতে পেরে আমি গর্বিত। কোভিড ত্রাণ আইন নিয়ে আলোচনা করার সময়, আমি CDBG কর্মসূচির জন্য বাড়তি সমর্থন পেয়েছিলাম কারণ এটি নিউ ইয়র্ককে ভালো বেতনের চাকরি তৈরি করা, অত্যাবশ্যকীয় পরিষেবা সরবরাহ করা এবং আমাদের সবচেয়ে ঝুঁকিপূর্ণ জনগোষ্ঠীকে সহায়তা করার জন্য প্রকৃত ফলাফল সরবরাহ করে। এই ফেডারেল তহবিল আমাদের অর্থনৈতিক পুনরুদ্ধারকে ত্বরান্বিত করতে এবং সকল নিউ ইয়র্কবাসীর জন্য একটি উজ্জ্বল ভবিষ্যতের ভিত্তি স্থাপন করতে সাহায্য করবে।"

রিপ্রেজেন্টেটিভ অ্যাড্রিয়ানো এসপেইলাট বলেন, "কমিউনিটি ডেভেলপমেন্ট ব্লক গ্র্যান্টের এই সর্বশেষ ব্যাচের জন্য আমি গভর্নর হোকলের প্রশংসা করি যা আমি নিউ ইয়র্ক জুড়ে অপরিহার্য অবকাঠামো উন্নত করার জন্য সুরক্ষিত করতে সাহায্য করেছে। সকল নিউ ইয়র্কবাসীর উপযুক্ত সাশ্রয়ী মূল্যের আবাসন এবং পরিষ্কার পানি পাওয়ার অধিকার রয়েছে, এবং কমিউনিটি ডেভেলপমেন্ট ব্লক গ্র্যান্ট কর্মসূচি শক্তিশালী, আরো স্থিতিশীল কমিউনিটি নির্মাণের মাধ্যমে শ্রমজীবী নিউ ইয়র্কবাসীদের জীবনকে উন্নত করার জন্য একটি গুরুত্বপূর্ণ সম্পদ হিসেবে প্রমাণিত হয়েছে।"

স্টেট সিনেটর ব্রায়ান কাভানাঘ বলেন, "নিউ ইয়র্কবাসীদের আবাসনে বিশাল বিনিয়োগ করার জন্য এবং ফেডারেল তহবিলের কার্যকর বরাদ্দসহ গুরুত্বপূর্ণ অবকাঠামো সরবরাহের জন্য স্টেট বাজেট প্রণয়নে গভর্নর ক্যাথি হোকল এবং আইনসভায় আমার সহকর্মীদের সাথে যোগ দিতে পেরে আমি গর্বিত, এবং স্টেট জুড়ে নিউ ইয়র্কবাসীকে এই গুরুত্বপূর্ণ সহায়তা প্রদানের জন্য গভর্নর ও কমিশনার রুথ অ্যান ভিসনাউকাসকে সাধুবাদ জানাই। এই বরাদ্দ নিম্ন ও মাঝারি আয়ের বাসিন্দাদের বাড়ির মালিকানা বজায় রাখতে এবং তাদের বাড়িতে প্রয়োজনীয় মেরামত ও সুরক্ষা আপগ্রেড করতে সাহায্য করার দিকে অনেক সহায়তা করবে। অবকাঠামোগত উন্নয়নের ফলে নিরাপদ এবং আরো আকাঙ্ক্ষিত জীবনযাত্রার পরিবেশ তৈরি হবে। আমি এসব বরাদ্দের প্রাপক মিউনিসিপ্যালিটি এবং সরকারি পানি ফ্যাসিলিটিতে অভিনন্দন জানাই এবং সাশ্রয়ী মূল্যের আবাসনের সুযোগ তৈরি ও সংরক্ষণের জন্য তাদের অব্যাহত প্রতিশ্রুতির জন্য ধন্যবাদ জানাই।"

বরাদ্দের সম্পূর্ণ তালিকা

ক্যাপিটাল ডিস্ট্রিক্ট (95,500 ডলার বরাদ্দ করা হয়েছে)

- ওয়াশিংটন কাউন্টির ফোর্ট এডওয়ার্ড গ্রাম ঐতিহাসিক ফোর্ট এলাকার ইঞ্জিনিয়ারিং অ্যাসেসমেন্ট সম্পন্ন করার জন্য নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট তহবিলের 48,000 ডলার ব্যবহার করবে।
- সারাটোগা কাউন্টির মেকানিকভিল শহর, শহরের বৃষ্টির পানির অবকাঠামো সম্পর্কিত সমস্যা নথিভুক্ত করে প্রকৌশল প্রতিবেদন তৈরির জন্য নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট তহবিলের 47,500 ডলার ব্যবহার করবে।

সেন্ট্রাল নিউ ইয়র্ক (4 মিলিয়ন ডলার বরাদ্দ করা হয়েছে)

- কর্টল্যান্ড কাউন্টির কর্টল্যান্ড শহর 30টি ছোট পরিবারের মালিক-অধিকৃত সম্পত্তি এবং ছড়িয়ে ছিটিয়ে থাকা সাইটের ভিত্তিতে 16 ইউনিটসহ পানি ও নর্দমার ল্যাটেরাল প্রতিস্থাপন করতে 500,000 ডলার ব্যবহার করবে।
- ওসওয়োগো কাউন্টির অরওয়েল শহর, শহরের পানি ডিস্ট্রিক্টের উন্নয়নের জন্য 1.25 মিলিয়ন ডলার ব্যবহার করবে।
- কায়ুগা কাউন্টির উইডস্পার্ট গ্রাম, গ্রামের স্যানিটারি নর্দমা ব্যবস্থার উন্নয়নের জন্য 1 মিলিয়ন ডলার ব্যবহার করবে।

ফিঙ্গার লেকস (3.65 মিলিয়ন ডলার বরাদ্দ করা হয়েছে)

- অরলিন্স কাউন্টির অ্যালবিওন গ্রাম, এর পানি বিশোধন প্লান্টের উন্নয়নের জন্য 1.25 মিলিয়ন ডলার ব্যবহার করবে।
- ওয়েন কাউন্টির ক্লাইড গ্রাম, গ্রামের বর্তমান পানি সরবরাহের পরিপূরক এবং নির্ভরযোগ্য পানি পরিষেবা নিশ্চিত করার জন্য একটি নতুন উৎস কূপ নির্মাণের অগ্রগতির জন্য প্রকৌশল প্রতিবেদন প্রস্তুত করতে 50,000 ডলার ব্যবহার করবে।
- অরলিন্স কাউন্টির মেডিনা গ্রাম, এর পানীয় জল ব্যবস্থার সামগ্রিক মূল্যায়নের জন্য 50,000 ডলার ব্যবহার করবে।
- সেনেকা কাউন্টির রমুলাস শহর, উইলার্ড পানি ডিস্ট্রিক্টের উন্নয়নের জন্য 1.25 মিলিয়ন ডলার ব্যবহার করবে।
- সেনেকা কাউন্টির ওয়াটারলু গ্রাম, 14টি পর্যন্ত নিম্ন আয়ের বাড়ির মালিকদের আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে।

মিড-হাডসন (2.7 মিলিয়ন ডলার বরাদ্দ করা হয়েছে)

- উলস্টার কাউন্টির নিউ পাল্টজ গ্রাম, গ্রামের স্যানিটারি নর্দমা ব্যবস্থার উন্নতির জন্য 860,000 ডলারেরও বেশি ব্যবহার করবে।
- উলস্টার কাউন্টির উলস্টার শহর, স্প্রিং লেক স্যানিটারি সিউয়ার ডিস্ট্রিক্টের উন্নয়নের জন্য 995,000 ডলার ব্যবহার করবে।
- উলস্টার কাউন্টির ওয়াওয়ারসিং শহর, কারহংকসন সিউয়ার ডিস্ট্রিক্টের উন্নয়নের জন্য 874,000 ডলার ব্যবহার করবে।

মোহাক ভ্যালি (7.3 মিলিয়ন বরাদ্দ করা হয়েছে)

- ওটসেগো কাউন্টির এডমেস্টন শহর, হ্যামলেট অফ এডমেস্টন'স পানি ডিস্ট্রিক্টের উন্নয়নের জন্য 1.25 মিলিয়ন ডলার ব্যবহার করবে।
- মন্টগোমেরি কাউন্টির ফোর্ট প্লেইন গ্রাম, এর নর্দমা ব্যবস্থার উন্নয়নের জন্য প্রকৌশল প্রতিবেদন তৈরি করতে 50,000 ডলার ব্যবহার করবে।
- ফুল্টন কাউন্টির গ্লোভার্সভিল শহর, গ্লোভার্সভিল সিনিয়র সেন্টারের প্রকৌশল গবেষণা সম্পন্ন করতে 50,000 ডলার ব্যবহার করবে।
- ওনেইডা কাউন্টির মার্শাল শহর, ছড়িয়ে ছিটিয়ে থাকা সাইটের ভিত্তিতে 13টি মালিক-অধিকৃত সম্পত্তিকে আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে।
- ওটসেগো কাউন্টির ওটিগো গ্রাম, এর পানীয় জল ব্যবস্থার উন্নতির জন্য 1.25 মিলিয়ন ডলার ব্যবহার করবে।
- ওটসেগো কাউন্টি মিলফোর্ড শহরের ARC আবাসিক স্কুল ক্যাম্পাসে নিরাপত্তা আপগ্রেডের সাথে স্প্রিংক্রুক ARC-কে সহায়তা করার জন্য 300,000 ডলার ব্যবহার করবে।
- ওনেইডা কাউন্টির ভেরোনা শহর, ভেরোনা পানি ডিস্ট্রিক্টের এক্সটেনশন নং 3 উন্নয়নের জন্য 1.25 মিলিয়ন ডলার ব্যবহার করবে।

নর্থ কান্ট্রি (4.6 মিলিয়ন বরাদ্দ করা হয়েছে)

- এসেক্স কাউন্টির চেস্টারফিল্ড শহর, শহরের মধ্যকার পাঁচটি নিম্ন থেকে মাঝারি আয়ের বাড়ির মালিকদের আবাসন সংক্রান্ত পুনর্বাসন সহায়তা প্রদানের জন্য 250,000 ডলার ব্যবহার করবে।
- এসেক্স কাউন্টি, কাউন্টি জুড়ে ছড়িয়ে ছিটিয়ে থাকা সাইটে অবস্থিত প্রায় ছয়টি নিম্ন ও মাঝারি আয়ের মালিক-অধিকৃত বাড়িতে আবাসন সংক্রান্ত পুনর্বাসন সহায়তা প্রদানের জন্য 450,000 ডলার ব্যবহার করবে।
- জেফারসন কাউন্টির হেন্ডারসন শহর, সিউয়ার ডিস্ট্রিক্ট নং 1 উন্নয়নের জন্য 1.25 মিলিয়ন ডলার ব্যবহার করবে।
- সেন্ট লরেন্স কাউন্টির হার্মন শহর, টাউন পানি ডিস্ট্রিক্ট নং 1 উন্নয়নের জন্য 1.25 মিলিয়ন ডলার ব্যবহার করবে।
- এসেক্স কাউন্টির জে শহর, টাউন কমিউনিটি সেন্টারে ADA অ্যাক্সেস উন্নয়নের জন্য 298,000 ডলার ব্যবহার করবে।
- এসেক্স কাউন্টির লিউইস শহর, নিম্ন থেকে মাঝারি আয়ের প্রায় ছয়টি বাড়ির মালিককে আবাসন সংক্রান্ত পুনর্বাসন সহায়তা প্রদানের জন্য 383,000 ডলার ব্যবহার করবে।
- ফ্রাংকলিন কাউন্টির মইরা শহর, নিম্ন থেকে মাঝারি আয়ের নয়টি বাড়ির মালিককে আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে।
- ক্লিন্টন কাউন্টির স্কাইলার ফলস শহর, নিম্ন থেকে মাঝারি আয়ের পাঁচটি বাড়ি মালিককে আবাসন সংক্রান্ত পুনর্বাসন সহায়তা প্রদানের জন্য 250,000 ডলার ব্যবহার করবে।

সাদার্ন টিয়ার (5.3 মিলিয়ন ডলার বরাদ্দ করা হয়েছে)

- শেনাঙ্গো কাউন্টি নিম্ন- থেকে মধ্যম-আয়ের 14টি একক-পরিবারকে আবাসন সংক্রান্ত পুনর্বাসন প্রদানের জন্য 500,000 ডলার ব্যবহার করবে।
- টম্পকিন্স কাউন্টির ডানবি শহর, নিম্ন-থেকে মধ্যম আয়ের 14টি বাড়ির মালিককে আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে।
- স্টিউবেন কাউন্টির হর্নেল শহর একটি পানি সম্পদ ব্যবস্থাপনা পরিকল্পনা সম্পূর্ণ করতে 50,000 মার্কিন ডলার, এবং শহরের বর্জ্য-পানি পরিশোধন প্লান্টের উন্নয়নের জন্য 1,250,000 মিলিয়ন ডলার ব্যবহার করবে।
- ব্রুম কাউন্টির লাইয়েল শহর নিম্ন- থেকে মধ্যম আয়ের আট জন বাড়ির মালিকের জন্য আবাসন সংক্রান্ত পুনর্বাসন সহায়তা সরবরাহের জন্য 275,000 ডলার, এবং নিম্ন- থেকে মধ্যম আয়ের মালিকদের দ্বারা অধিকৃত পাঁচটি নিম্নমানের প্রস্তুতকৃত বাড়ি প্রতিস্থাপন করতে 475,000 ডলার ব্যবহার করবে।
- টম্পকিন্স কাউন্টির নিউফিল্ড শহর, সেপটিক ট্যাংক এবং ল্যাটেরাল সাপ্লাই লাইন প্রতিস্থাপন করতে প্রধানত নিম্ন আয়ের 19টি পরিবারের অধিকৃত আবাসিক সম্পত্তিকে সহায়তা করার জন্য 298,000 ডলার ব্যবহার করবে।
- স্টিউবেন কাউন্টি নিম্ন থেকে মধ্যম আয়ের 13টি পরিবারের ত্রুটিপূর্ণ সেপটিক ব্যবস্থার প্রতিস্থাপন করতে সহায়তা করার জন্য 198,000 ডলার ব্যবহার করবে।
- স্কাইলার কাউন্টির ওয়াটকিন্স গ্লেন গ্রাম এর ক্লুট পার্ক পাম্প স্টেশন ও ফোর্স মেইন রিফ্রুট প্রতিস্থাপনের জন্য একটি বর্জ্য পানি পরিকল্পনা অধ্যয়ন সম্পূর্ণ করতে 50,000 ডলার ব্যবহার করবে।
- টিওগা কাউন্টির ওয়েভারলি গ্রাম গ্রামের পানি বন্টন ব্যবস্থার উন্নয়নের জন্য 1.25 মিলিয়ন ডলার এবং নিম্ন- থেকে মধ্যম-আয়ের 13 জন বাড়ির মালিককে সহায়তা দিতে 500,000 ডলার ব্যবহার করবে।

ওয়েস্টার্ন নিউ ইয়র্ক (6.1 মিলিয়ন ডলার বরাদ্দ করা হয়েছে)

- অ্যালিগানি কাউন্টির অ্যানডোভার শহরটি গুরুতর আবাসন সংক্রান্ত চাহিদা রয়েছে এমন নিম্ন- থেকে মাঝারি আয়ের 13টি পরিবারকে সহায়তা করার জন্য 500,000 ডলার ব্যবহার করবে।
- ক্যাটারাগাস কাউন্টি পুরো কাউন্টি জুড়ে নিম্ন-আয়ের বাড়ির মালিকদের সহায়তা করার জন্য কূপ, সেপটিক, ও ল্যাটেরাল সাপ্লাই লাইন সরবরাহ করতে 400,000 ডলার ব্যবহার করবে, এবং নতুন এনার্জি স্টার-রেটেড সিঙ্গেল-ওয়াইড প্রস্তুতকৃত বাড়ি সহ চারটি সিঙ্গেল-ওয়াইড প্রস্তুতকৃত বাড়ি প্রতিস্থাপনের জন্য 600,000 ডলার ব্যবহার করবে।
- চৌতউকা কাউন্টির সেলোরন গ্রাম নিম্ন আয়ের বাড়ির মালিকদের আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে।
- চৌতউকা কাউন্টির এলিংটন শহর একটি প্রস্তুতকৃত আবাসন প্রতিস্থাপন কর্মসূচির জন্য 700,000 ডলার ব্যবহার করবে।
- অ্যালিগানি কাউন্টির ফ্রেন্ডশিপ শহর একটি বিস্তৃত পানি ব্যবস্থার প্রাথমিক প্রকৌশল প্রতিবেদন সম্পূর্ণ করতে 50,000 ডলার ব্যবহার করবে।

- অ্যালিগানি কাউন্টির ইনডিপেন্ডেন্স শহর গুরুতর আবাসন সংক্রান্ত চাহিদা রয়েছে এমন নিম্ন- থেকে মাঝারি আয়ের 11টি পরিবারকে সহায়তা করার জন্য 400,000 ডলার ব্যবহার করবে।
- ক্যাটারাগাস কাউন্টির লিটল ভ্যালি গ্রাম, এর সুপেয় পানি ব্যবস্থার উন্নতির জন্য 1.25 মিলিয়ন মার্কিন ডলার ব্যবহার করবে।
- চৌতউকা কাউন্টির সিলভার ক্রিক গ্রাম নিম্ন আয়ের বাড়ি মালিকদের আবাসন সংক্রান্ত পুনর্বাসন সহায়তা প্রদানের জন্য 500,000 ডলার ব্যবহার করবে
- ক্যাটারাগাস কাউন্টির সাউথ ডেটন গ্রাম, গ্রামের স্যানিটারি নর্দমা ব্যবস্থার উন্নতির জন্য 1.25 মিলিয়ন মার্কিন ডলার ব্যবহার করবে।

নিউ ইয়র্ক স্টেট কমিউনিটি ডেভেলপমেন্ট ব্লক গ্র্যান্ট কর্মসূচি সম্পর্কে আরো তথ্য জানতে [হোম ও কমিউনিটি রিনিউয়ালের ওয়েবসাইট](#) দেখুন।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418